

Таны цагаачлалын процедур эхлэхээс өмнө

Та ямар тохиолдолд энэ товхимолын хүлээж авах вэ?

Та Нидерландын Вант улсад цагаачлал асуухыг хүсэж байна. Цагаачлалын процедур таныг Нидерландын Вант улсад ирэнгүүт шууд эхэлдэггүй. Эхлээд танд аян замын алжаалаа тайлах ба Цагаачлалын Ерөнхий Процедуртаа бэлдэх хугацаа олгодог. Танаас мөн хэд хэдэн зүйлийг асуудаг. Танд үүнд хамгийн багадаа зургаан хоногийн хугацаа байна.

Энэ товхимолоос та цагаачлалын процедурын өмнө ямар үйл ажиллагаа явагдахыг дэс дараалчлан унших болно.

1 дүгээр алхам: ирснээ мэдэгдэх ба бүртгүүлэх

Та Тэр-Апэл хотын Гадаад Иргэдийн Цагдаагийн албанд ирснээ мэдэгдэнэ.



Гадаад Иргэдийн Цагдаагийн алба (AVIM) нь Нидерландын Вант улсын цагдаагийн албаны харьяа бөгөөд Нидерландын Вант улсад байгаа гадаадын иргэдийг хянах үүрэгтэй байдаг.

Гадаад Иргэдийн Цагдаагийн Албаны ажилтнууд таны хувийн мэдээллийг; овог нэр, төрсөн он сар ба иргэншил гэх мэтийг бүртгэдэг. Тэд мөн таны хувцас ба ачаа тээхийг шалгаж, зураг болон хурууны хээг тань авдаг. Гадаад Иргэдийн Цагдаагийн Албанаас олгосон товхимолоос таны хурууны хээг яагаад авч байгааг тайлбарласан байгаа.

Таны туулсан аян замын тухай, урьд өмнө нь та эндээс болон өөр бусад Европын орнуудаас цагаачлал асууж байсан эсэх, энд болон өөр бусад Европын орнуудад таны төрөл садангууд амьдардаг эсэхийг танаас мөн асуух болно.

Танд өөрийгөө хэн болохыг нотлох бичиг баримт, паспорт, иргэний үнэмлэх, төрсний гэрчилгээ юмуу жолооны үнэмлэх байна уу?

Эсвэл танд туулсан аян замын болон цагаачлалынхаа түүхийг нотолсон бичиг баримтууд жишээ нь онгоцны билет, тийз, дипломууд, шүүхийн шийдвэр ба сонингийн нийтлэл байна уу? Энэ бичиг баримтуудаа бүртгүүлэх үедээ өгөх юмуу эсвэл цагаачлалын процедураа эхлэхээс өмнө олж бүрдүүлнэ үү. VluchtelingenWerk- (ДүрвэгсдийнАжил) байгууллагын ажилтан таны энэ ажилд тусалж чадна.



VluchtelingenWerk Nederland – Нидерландын ДүрвэгсдийнАжил бол биеэ даасан хүний эрхийг хамгаалах байгууллага бөгөөд цагаачдын эрх ашгийг хамгаалахын тулд байгуулагдсан юм.

VluchtelingenWerk - ДүрвэгсдийнАжил танд цагаачлалын процедурын тухай тайлбар ба мэдээлэл өгдөг. Таныг процедураа туулахад, хувийн мэдээллийг тань лавлаж өгөх ба өөр байгуулгуудтай үүссэн асуудлуудыг тань зохицуулж өгөхөд VluchtelingenWerk тусалдаг. Тэд энэ үйл ажиллагаандаа таны өмгөөлөгчтэй хамтран ажилладаг. VluchtelingenWerk таны цагаачлалын өргөгдөлд шийдвэр гаргахгүй.

Таны бичиг баримтуудын жинхэнэ эсэхийг мэргэжилтэнүүд шалгадаг. Дүрвэгсэд – ба Иргэншлийн Асуудлийг Хариуцсан Байгууллага (IND) таны цагаачлалын асуудлыг дүгнэж шийдэхдээ энэ бичиг баримтуудыг ашигладаг.

Анхаар! Таны хувийн мэдээлэл ба таны бичиг баримтууд цагаачлалын асуудлыг шийдэхэд чухал нөлөө үзүүлдэг. Өгч буй мэдээлэл тань бүрэн гүйцэд мөн зөв бичигдсэн эсэхийг шалга. Хувийн бичиг баримтаа хэзээ ч битгий хая. Нидерландын Вант улс таны эх орны засаг захиргаанд таныг Нидерландын Вант улсад цагаачлал асуусан гэж хэзээ ч мэдэгдэхгүй.

2 дахь алхам: Сүрьеэ өвчний үзлэг

Сүрьеэ (ТВС) бол маш аюултай, дэлхийд ихээр тархсан өвчин юм. Магадгүй таны амьдарч байсан оронд ч байж болзошгүй. Онгорхой сүрьеэтэй хүмүүс өөр бусад хүмүүст жишээ нь хайнааж, найтаах замаар халдвар түгээх аюултай. Тиймээс таныг Тэр-Апэл – д бүртгүүлэх үеэр энэ өвчний шинжилгээг авна. Ихэнхдээ сүрьеэ өвчин нь уушгинд оршиж халдварладаг. Тиймээс өвчнийг оншлохдоо уушигны зургийг авдаг. Хэрвээ та сүрьеэтэй бол таныг Нидерландын Вант улсад эм өгч эмчилдэг. Энэ тохиолдолд цагаачлалын процедур эмчилгээний дараа эхэлнэ.

3 дахь алхам: Бүртгэлийн ярилцлага

Бүртгэлийн ярилцлагын үеэр IND-гийн ажилтан таныг хэн болох мөн таны иргэншил харьяаллын тухай асуултууд тавьдаг. Энэ ярилцлаганд таны Нидерландын Вант Улсад цагаачлах болсон шалтгааны тухай асуултууд асуухгүй.



Immigratie- en Naturalisatiedienst
Ministerie van Veiligheid en Justitie

Immigratie- en Naturalisatiedienst (IND) – Дүрвэгсэд – ба Иргэншлийн Асуудлыг Хариуцсан Байгууллага нь Нидерландын Вант улсын Батлан Хамгаалах ба Хууль Зүйн Яамны харьяа байгууллага юм. IND-гийн ажилчид таныг хэн болох, таны иргэншил харьяалал, ирэхдээ туулсан зам, эх орноосоо дүрвэн гарсан шалтгааны тухай таньтай ярилцдаг. Тэгээд тэд таны хувийн түүхийг болон эх орны тань нөхцөл байдлыг судалдаг. Дараа нь тэд таныг Нидерландын Вант улсад (түр хугацаанд) үлдэж болох, өөр Европын оронд буцаах эсвэл эх орондоо буцах ёстой эсэхийг шийдвэрлэдэг.

4 дүгээр алхам: байр

Гадаад Иргэдийн Цагдаагийн Албанд бүртгүүлснийхээ дараа танд Нидерландын Вант Улсын засгийн газраас орогнох байр, хоол хүнс ба эрүүл мэндийн тусламжийг олгодог. Таны ирснээ бүртгүүлэх асуудал ба ТВС-ний шинжилгээ хамгийн ихдээ гурван өдөр үргэлжилнэ. Тэр-Апэл – ийн Гадаад Иргэдийн Цагдаагийн Албаны байранд Centraal Orgaan opvang asielzoekers (COA) – Цагаачдыг Хүлээн Авах Төв Байгууллагын байр байгаа. Та тэнд хоноглох болно.



COA Centraal Orgaan opvang asielzoekers

Centraal Orgaan opvang asielzoekers (COA) – Цагаачдыг Хүлээн Авах Төв Байгууллага (COA) нь Нидерландын Вант улс дахь цагаачдыг хүлээн авах ба үүнтэй холбоотой асуудлуудыг хариуцдаг. COA таныг хоол, байраар хангах ба эрүүл мэндийн зардлын даатгалтай болоход тусалдаг. Та эмчтэй холбогдож тусламж авахаар бол COA-д хандаж болно. COA бол биеэ даасан байгууллага ба таны цагаачлалын асуудлыг шийдэхгүй.

Таны ирснээ бүртгүүлсний дараа болон IND – д өгсөн бүртгэлийн ярилцлагын дараа таныг Цагаачдыг Хүлээн Авах Төв Байгууллага (COA)-ын өөр байранд аваачна. Энэ цагаачдын төв нь таны цагаачлалын өргөгдлийг шийдвэрлэж байгаа Дүрвэгсэд – ба Иргэншлийн Асуудлыг Хариуцсан Байгууллагын кантоортой ойрхон байдаг.



Gezondheidscentrum Asielzoekers (GSA) – Цагаачдын эрүүл мэндийн төв (GSA) Хэрвээ та өвдсөн бол, эсвэл эмнэлгийн тусламж авах шаардлагатай үед энэ төвд хандана. GSA нь таны эрүүл мэндтэй холбоотой асуудлуудад зөвлөмж өгөх, эсвэл дадлагын туслагчтай, GGZ-ийн зөвлөх, дадлагын сувилагч, эсвэл өрхийн эмчтэй цаг авахад танд туслах болно. GSA нь COA-ийн хүлээн авах төвд юм уу төвийн ойролцоо байрладаг ба та өдөр болон шөнийн цагаар энэ дугаарлуу: 088 112 21 12 залгаж болно.

COA-гийн цагаачдын төв байранд байх хугацаандаа та GSA – гийн эрүүл мэндийн танилцах ярилцлагын урилга хүлээн авна. Энэ ярилцлаганд таны эрүүл мэнд болон өвчин эмгэгийн асуудлыг хэлэлцдэг. Тэд таныг COA-д байх үеэр зөв эрүүл мэндийн тусламж үзүүлэх зорилготой юм.

5 дахь алхам: мэдээлэл

Та COA-гийн цагаачдын байранд Нидерландын Вант улсад ирсэн аян замын алжаалаа тайлна. Та тэгээд цагаачлалын Ерөнхий Процедуртаа бэлдэнэ. COA-гийн байранд танд VluchtelingenWerk (ДүрвэгсдийнАжил)– байгууллага цагаачлалын процедурын тухай болон эрүүл мэндийн талаар зөвлөгөө өгдөг. Ярилцлагын үеэр хэлмэрч оролцож таны болон VluchtelingenWerk– (ДүрвэгсдийнАжил) байгууллагын ажилтны хэлсэн болгоныг орчуулж өгнө. Түүнчлэн та энэ цагаачлалын процедурын тухай товхимол хүлээн авна. VluchtelingenWerk– (ДүрвэгсдийнАжил) байгууллагын ажилтан мэдээлэл өгөх ба таны цагаачлалын процедурын үеэр танд тусалдаг. VluchtelingenWerk– (ДүрвэгсдийнАжил) байгууллагын үйлчилгээ үнэгүй байдаг. Тэд таны мэдээллийн нууцыг чандлан хадгалж ажилладаг.

6 дахь алхам: эрүүл мэндийн зөвлөгөө



FMMU - Цагаачдын төвд танд Forensisch Medische Maatschappij Utrecht – Шүүх Эмнэлгийн Эрүүл мэндийн Эмгэг судлалын Утрэхтийн Төвийн сувилагчтай уулзах цаг өгнө. Энэ сувилагч танаас эрүүл мэндийн үзлэгт орох уу гэж асууна. Энэ үзлэгийн зорилго нь танд сэтгэл мэдрэлийн ба/ эсвэл бие махбодийн ямарваа өвчин эмгэг буй эсэх, энэ эмгэг нь таны IND-д өгөх ярилцлагуудад нөлөө үзүүлэх эсэхийг судална.

Энэ үзлэгт эмнэлгийн ажилтан танаас асуултууд асууна. Энэ ярилцлагад хэлмэрч тусалж таны болон сувилагчийн хэлсэн болгоныг орчуулж өгнө. Ихэнхдээ хэлмэрч биечлэн ирэхгүйгээр утсаар орчуулж өгдөг. Хэрвээ шаардлагатай гэж сувилагч үзвэл таныг нарийн мэргэжлийн үзлэгт оруулахаар эмч рүү явуулдаг. Гарсан шинжилгээний хариуг сувилагч юмуу эмч зөвхөн таныг хүссэн тохиолдолд л IND-рүү илгээдэг. IND таны цагаачлалын процедурын үеэр таны эрүүл мэндийн асуудлыг харгалзан үздэг.

Та сэтгэл мэдрэлийн ба биеийн зовиураа шударгаар сувилагчид юмуу эмчид ярих нь их чухал юм. Хэрвээ танд шарх сорви байгаа бол үүнийгээ сувилагчид мэдэгдэх нь чухал юм. Эрүүл мэндийн шинжилгээний хариу бол хувийн нууц. Эрүүл мэндийн шинжилгээг хүн бүр өгөх албагүй. Та эрүүл мэндийн шинжилгээнд мөнгө төлөхгүй.

Хэрвээ та Эрүүл мэндийн шинжилгээ өгөх хүсэлгүй бол сувилагчид мэдэгдээрэй. Энэ тохиолдолд IND таны цагаачлалын процедурын үеэр таны эрүүл мэндийн асуудлыг харгалзан үзэж чадахгүй. Энэ эрүүл мэндийн зөвлөгөө нь COA-гийн цагаачдын байранд авч болох эрүүл мэндийн тусламжаас өөр юм.

7 дахь алхам: өмгөөлөгчийн тусламж

Та цагаачлалын процедурын үеэр өмгөөлөгчийн тусламж авна. Энэ өмгөөлөгч нь Нидерландын Вант улсын засгийн газарт хамааралгүй биеэ даасан хүн байдаг. Та Raad voor Rechtsbijstand - Хууль эрх зүйн Зөвлөгөө өгөх газраар дамжуулан өмгөөлөгчтэй уулзах урилга хүлээн авна. Та өмгөөлөгч хайх хэрэггүй. Цагаачлалын процедурын хугацаа маш бага байдаг тул Raad voor Rechtsbijstand - Хууль эрх зүйн Зөвлөгөө өгөх газар танд цагт нь амжиж өмгөөлөгч олж өгдөг. Хэрвээ та аль хэдийн өмгөөлөгчтэй уулзсан бол үүнийгээ бүртгэлийн ярилцлагандаа мэдэгдээрэй.

Raad voor Rechtsbijstand *legal aid*

Raad voor Rechtsbijstand (Legal Aid)- Хууль эрх зүйн Зөвлөгөө өгөх газар таныг өмгөөлөгчийн тусламж аваад зардлыг нь төлж чадахгүй тохиолдолд тусалдаг. Өмгөөлөгчийн танд үзүүлсэн үйлчилгээний хөлсийг Хууль эрх зүйн Зөвлөгөө өгөх газар өмгөөлөгчид төлдөг. Өмгөөлөгч бол Хууль эрх зүйн Зөвлөгөө өгөх газрын ажилтан биш юм. Өмгөөлөгч бол таны цагаачлалын процедурт тусалцаа үзүүлэх.

Өдөр бүр та шуудангаа шалгана уу. Өмгөөлөгчтэйгөө уулзах анхны уулзалт бол таны цагаачлалын процедурт маш чухал тул та заавал очиж уулзаарай. Энэ уулзалтанд өмгөөлөгч таныг IND - д өгөх ярилцлагуудад бэлддэг. Энэ өмгөөлөгчийн бэлтгэх ярилцлага нь өмгөөлөгчийн кантоорт болдог. Өмгөөлөгчийн кантоор уруу явах замын маршрут, галт тэрэг ба автобусанд үнэгүй зорчих билетийг танд өгдөг. Энэ ярилцлагад хэлмэрч тусалж таны болон өмгөөлөгчийн хэлсэн болгоныг орчуулж өгнө. Өмгөөлөгчийн тусламжинд та мөнгө төлөх шаардлагагүй. Таны мэдээллийн нууцыг тэд чандлан хадгалж ажилладаг.

Цагаачлалын процедур

Таныг Гадаад Иргэдийн Цагдаагийн алба – нд ирснээ мэдэгдсэний дараа хамгийн багадаа зургаан хоногийн дараа та IND-д анхныхаа ярилцлагыг өгдөг. Амьдрал дээр үүнээс ч илүү удаж байж ярилцлагадаа орох тохиолдол байдаг. Таны анхны ярилцлагад орох урилга COA-гийн цагаачдын байранд ирдэг. Цагаачлалын процедурын талаар илүү мэдээллийг хэдхэн хоногийн дотор VluchtelingenWerk (ДүрвэгсдийнАжил)– байгууллагаас аваарай (5 дахь алхмыг унш).

Гаргасан өргөгдлөө буцаан татах

Та гаргасан өргөгдлөө хүссэн үедээ буцааж авч болно. Энэ тохиолдолд таныг өмгөөлөгчтэйгөө уулзахыг зөвлөдөг боловч шууд IND-д хандаж ч бас болдог. Хэрвээ та IND-гээс өргөгдлөө буцаан авбал танд энэ улсад өөр шалтгаанаар оршин суух эрх байхгүй л бол Нидерландын Вант улсад байж болохгүй болдог.

Ихэвчлэн тавигддаг асуултууд

Энэ мэдээллийн хуудсыг уншсаны дараа танд асуух зүйл байна уу?

Асуулт байгаа бол өөрийнхөө өмгөөлөгч, COA-гийн юмуу, VluchtelingenWerk- (ДүрвэгсдийнАжил) байгууллагын ажилтангуудын нэгтэй нь уулзана уу.

Та гомдолтой байна уу?

Бүх цагаачлалын процедуртай холбоотой ажилладаг байгууллагууд мэргэжлийн түвшинд, хянамгай ажиллах гэж хичээж байна. Хэрвээ та үнэхээр ямар нэгэн байгууллага танд муу хандсан гэж үзэж байгаа бол, гомдол мэдүүлж болно. Таны өмгөөлөгч юмуу VluchtelingenWerk- (ДүрвэгсдийнАжил) хариуцсан байгууллагын ажилтан танд туслах болно.

Энэ нийтлэлийг хамтран гаргасан:

Цагаачдыг Хүлээн Авдаг Төв Байгууллага (COA) | www.coa.nl

Эх оронд нь буцаах болон буцах байгууллага (DT&V) | www.dienstterugkeerenvertrek.nl

Дүрвэгсэд – ба Иргэншлийн Асуудлыг Хариуцсан Байгууллага (IND) | www.ind.nl

Хууль эрх зүйн Зөвлөгөө өгөх газар | www.rvr.org
Нидерландын ДүрвэгсдийнАжил байгууллага | www.vluchtelingenwerk.nl

Даалгавраар бичигдэв.

Батлан Хамгаалах ба Хууль Зүйн Яам, Дүрвэгсдийн асуудал хариуцсан захиргааны www.rijksoverheid.nl

Энэ нийтлэлийн агуулгад зохиогчийн эрхийг түгээх боломжгүй. Хэрвээ орчуулгад утга санааны зөрөө гарвал Нидерланд хэл дээрхи нийтлэлийг дагана.